

სარჩევი

1. საკვალიფიკაციო მოთხოვნები -----
2. ტექნიკური დოკუმენტაცია -----
3. სახელმწიფო შესყიდვის შესახებ ხელშეკრულების პროექტი -----

1. საკვალიფიკაციო მოთხოვნები

1. პირველადი საკვალიფიკაციო მოთხოვნები

- აუდიტორული ფირმის დასახელება, რეგისტრაციის თარიღი, ადგილი და საიდენტიფიკაციო კოდი.

- სატენდერო წინადადების მიღების მომენტისთვის მონაწილე უნდა შედიოდეს (იყოს) ევროპის რეკონსტრუქციისა და განვითარების ბანკისთვის (EBRD) მისაღებ აუდიტორულ კომპანიათა ჩამონთვალში. ამასთან, თუ ხელშეკრულების გაფორმების მომენტისთვის გამარჯვებული მონაწილე ამოირიცხება ზემოაღნიშნული ჩამონათვალიდან, მასთან ხელშეკრულება არ გაფორმდება.

- ფირმაში დასაქმებულ მუშაკთა (სპეციალისტთა) რაოდენობა მათ შორის საქართველოს პარლამენტთან არსებული აუდიტორული საბჭოს მიერ სერთიფიცირებული აუდიტორთა რაოდენობა, სერთიფიკატების ასლები; (პარლამენტთან არსებული აუდიტორული საბჭოს მიერ სერთიფიცირებული უნდა იყოს არანაკლებ 3 აუდიტორი)

- ფირმის მიერ შემუშავებული აუდიტის ჩატარების მიმდინარეობის დაგეგმარება (წინსაწარი პროგრამა).

- მომსახურების ღირებულების გაანგარიშების მეთოდოლოგიური საფუძვლები (იგულისხმება საწარმოებისთვის აუდიტორული შემოწმების მიზნით აუდიტორული ფირმის მიერ გასაწევი ხარჯები), შემოთავაზებულ თანხაზე ხარჯთაღრიცხვა. ტენდერში გამარჯვების შემდეგ პრეტენდენტმა უნდა წარმოადგინოს ხარჯთაღრიცხვა ზეპირ ვაჭრობაში დაფიქსირებულ სახელშეკრულებო თანხაზე.

2. პირველი პუნქტით გათვალისწინებული პირველადი საკვალიფიკაციო მონაცემები პრეტენდენტმა სახელმწიფო შესყიდვების ერთიან ელექტრონულ სისტემაში უნდა ატვირთოს სატენდერო წინადადებასთან ერთად.

2.1 მეორადი საკვალიფიკაციო მოთხოვნები:

პრეტენდენტმა უნდა წარმოადგინოს შემდეგი საკვალიფიკაციო მოთხოვნების დამადასტურებელი დოკუმენტები:

2.1.2 იურიდიული პირებისათვის:

ა) ამონაწერი სამეწარმეო რეესტრიდან;

ბ) ცნობა მეწარმეთა და არასამეწარმეო (არაკომერციული) იურიდიულ პირთა

რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

გ) ცნობა შესაბამისი უფლებამოსილი ორგანოდან, რომ არ მიმდინარეობს გადახდისუნარიობის საქმის წარმოება;

2.1.3 ფიზიკური პირებისათვის:

ა) ცნობა შესაბამისი უფლებამოსილი ორგანოდან ნასამართლეობის შესახებ;

ბ) პირადობის მოწმობის ასლი.

2.2 საკვალიფიკაციო მონაცემების დამადასტურებელი დოკუმენტები გაცემულ უნდა იყოს:

– „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის დაწყების შემდეგ.

2.3 2.1 პუნქტით გათვალისწინებული, საკვალიფიკაციო მონაცემების დამადასტურებელი დოკუმენტები, დედნის სახით წარმოდგენილ უნდა იქნეს შემსყიდველი ორგანიზაციაში მოთხოვნიდან შეტყობინებაში აღნიშნულ ვადაში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4 პრეტენდენტის მიერ წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. შეტყობინებაში მითითებულ მისამართზე. პრეტენდენტის მიერ საკვალიფიკაციო მონაცემების წარმოდგენლობის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

3. მომსახურების გაწევის ვადაა 2011 წლის 25 მარტიდან 2011 წლის 25 აპრილის ჩათვლით.

2. ტექნიკური დავალება

შპს „ენგურჰესი“ აუდიტორული შემოწმების ჩატარების შესახებ

აუდიტორული მომსახურება უნდა განხორციელდეს გალის რაიონი დ. საბერიოში, წალენჯიხის რ-ნ დასახლება ჯვარში და ქ. ზუგდიდში, სადაც განთავსებულია პირველადი აღრიცხვის დოკუმენტები

2010 წლის ფინანსური ანგარიშის შესამოწმებელი პერიოდია: 2010 წლის 01. იანვრიდან 2010 წლის 31. დეკემბრამდე, ასევე, სხვა მომსახურება 2010 წლის 1 იანვრიდან 2010 წლის 31 დეკემბრამდე განვლილ პერიოდზე.

შინაარსი:

- I. საწარმოს ფინანსური ანგარიშგების აუდიტორული შემოწმების ამოცანები;
- II. საწარმოს ფინანსური ანგარიშგების აუდიტის შედეგების გაფორმება.
- III. 2010 წლის განვლილ სამეურნეო-საფინანსო საქმიანობის პერიოდზე სხვა შესაძლო მომსახურების სახეები და პერიოდულობა.

I. საწარმოს ფინანსური ანგარიშგების აუდიტორული შემოწმების ამოცანები;

ამოცანათა ჩამონათვალი

1. ფულადი საშუალებების აუდიტი:

- 1.1. საკასო ოპერაციების აუდიტი;
- 1.2. ანგარიშსწორების ანგარიშების ოპერაციათა აუდიტი;
- 1.3. სავალუტო ანგარიშების ოპერაციათა აუდიტი;

2. ძირითად საშუალებებთან დაკავშირებულ ოპერაციათა აუდიტი:

- 2.1. ძირითადი საშუალებების ობიექტების არსებობისა და მათი დოკუმენტური გაფორმების აუდიტი;
- 2.2. ძირითადი საშუალებების კატეგორიაზე მატერიალური ფასეულობების მიკუთვნების სისწორის აუდიტი, მათი კლასიფიკაცია კუთვნილებისა და საწარმოების ხასიათის მიხედვით;
- 2.3. ბუღალტრულ აღრიცხვაში ძირითადი საშუალებების შეფასების აუდიტი;
- 2.4. ძირითადი საშუალებების მოძრაობის ამსახველ ოპერაციათა აუდიტი;
- 2.5. ცვეთის დარიცხვის აუდიტი;
- 2.6. ძირითადი საშუალებების რემონტზე დახარჯული სახსრების აუდიტი;

3. ინვესტიციების აუდიტი.

4. სასაქონლო-მატერიალურ ფასეულობათა და მარაგების აუდიტი (მასალების, სათადარიგო ნაწილებისა და ტარის აუდიტი);

5. ანგარიშსწორების აუდიტი:

- 5.1. ანგარიშსწორება მომწოდებლებთან, დებიტორებთან და კრედიტორებთან;
- 5.2. პრეტენზიების მიხედვით ანგარიშსწორების აუდიტი;
- 5.3. მყიდველებთან და შემკვეთებთან ანგარიშსწორებების აუდიტი;

- 5.4 ანგარიშგაღებული პირებთან ანგარიშწორების აუდიტი;
- 5.5 სხვადასხვა დებიტორებთან და კრედიტორებთან ანგარიშწორების აუდიტი;
- 5.6 ბიუჯეტთან ანგარიშწორების აუდიტი;

6. დანახარჯების აუდიტი, ერთობლივი შემოსავლებიდან გამოუქვითავი ხარჯების აუდიტი.

7. რეალიზაციის აუდიტი.

8. ფინანსური შედეგების გაანგარიშების და მათი გამოყენების აუდიტი.

9. კრედიტებისა და სესხების აუდიტი.

10. საბუღალტრო აღრიცხვა – ანგარიშგების, შიდა აუდიტის, აღრიცხვის ორგანიზაციის მდგომარეობისა და თანამშრომელთა დატვირთვის აუდიტორული შემოწმება;

11. ფინანსური სამსახურის საქმიანობის ორგანიზაციისა და ეფექტურობის აუდიტი;

12. შესრულებულ სამუშაოებზე წარმოებული პირველადი აღრიცხვის საბუთების გაფორმების, მასში შეტანილი ტარიფების ნორმატიულ აქტებთან შესაბამისობის აუდიტი;

13. შრომის ანაზღაურების გაანგარიშების, მისი აღრიცხვაში ასახვის და პირველადი აღრიცხვის დოკუმენტების გაფორმების აუდიტი.

14. იურიდიული სამსახურის ეფექტურობის და ორგანიზაციის საქმიანობის აუდიტორული შემოწმება.

15. შესყიდვებისა და კონტრაქტების სამსახურის საქმიანობის, ჩატარებული ტენდერების და შესყიდვების სისწორის აუდიტი

II. საწარმოს ფინანსური ანგარიშგების აუდიტის შედეგების გაფორმება.

საწარმოს ფინანსური ანგარიშგების აუდიტის შედეგად უნდა მომზადდეს შემდეგი დოკუმენტები:

ა) აუდიტორული დასკვნა;

ბ) აუდიტორის წერილობითი ინფორმაცია (აუდიტის ანგარიში)

აუდიტის დასკვნა და აუდიტის ანგარიში უნდა მომზადდეს ქართულ და ინგლისურ ენაზე, აუდიტის საერთაშორისო სტანდარტების (ბასს) მიხედვით

ზემოთქმულის შესაბამისად, აუდიტის ანგარიში უნდა შეიცავდეს აღმოჩენილი დარღვევების აღწერას (დარღვევათა ფაქტების დამადასტურებელი აუდიტორი მტკიცებულებების ჩვენებით), დარღვევათა გასწორების გზებისა და ხერხების ასახვით ყოველი კონკრეტული ამოცანის მიხედვით.

III. 2010 წლის განმავლობაში თემატური შემოწმების და გასაწევი სხვა შესაძლო მომსახურების სახეები და პერიოდულობა.

- 1) საწარმოს ბალანსიდან ჩამოსაწერი ძირითადი საშუალებების ნარჩენი ღირებულებისა და მათი ლიკვიდაციის შედეგად მიღებული სასაქონლო-მატერიალური მარაგების ღირებულების

დადგენის აქტებში შეტანილი მაჩვენებლებისა და სარეალიზაციო ქონების საწყისი სარეალიზაციო ფასის გაანგარიშების რეალობის დადგენის მიზნით;

2) საწარმოს კაპიტალში ცვლილებების განხორციელება;

2.1 კაპიტალის შემცირებისას შესამცირებელი ქონების (კაპიტალიდან ამოსადები ქონების) ღირებულებისა და კაპიტალის შესაბამისი ოდენობის განსაზღვრასთან დაკავშირებული გაანგარიშების რეალობის დადასტურების მიზნით;

2.2 კაპიტალის გაზრდისას კაპიტალში შესატანი ქონების ღირებულების და კაპიტალის შესაბამისი ოდენობის განსაზღვრასთან დაკავშირებული გაანგარიშების რეალობის დადასტურების მიზნით;

- 3) საწარმოს ბალანსზე რიცხული ძირითადი საშუალებების დროებით სარგებლობაში (იჯარით, ქირავნობით, სასყიდლიანი უზურფრუქტით, საქართველოს სამოქალაქო კოდექსით განსაზღვრული სხვა ფორმებით) გადაცემასთან დაკავშირებით მიღებული გადაწყვეტილების განხორციელების მიზნით სააუქციონო პირობების პროექტში გასათვალისწინებელი სარგებლობაში გადასაცემა ქონების საწყისი საიჯარო ქირის ან სხვა საზღაურის განსაზღვრასთან დაკავშირებული გაანგარიშების სისწორის დადგენის მიზნით;
- 4) საწარმოთა შერწყმის, რეორგანიზაციისა და გაყოფასთან დაკავშირებით აქტივებისა და პასივების ფინანსურ ანგარიშგებაში ასახვის სისწორის დადასტურების მიზნით;
- 5) ევროპის განვითარების და რეკონსტრუქციის ბანკის სესხით დაფინანსებული ანგარიშების აუდიტი
- 6) სხვა, მოქმედი კანონმდებლობით დადგენილ შემთხვევებში.

3 სახელმწიფო შესყიდვის შესახებ ხელშეკრულების პროექტი

ხელშეკრულება

აუდიტორულ მომსახურებაზე № _____

ქ. თბილისი

_____ 2011 წ.

-----, მისი დირექტორის -----სახით (შემდგომში “მიმწოდებელი”) ერთის მხრივ და შპს „ენგურჰესი“, წარმოდგენილი მისი დირექტორთა საბჭოს თავმჯდომარის ბატონ ლევან მებონიას სახით (შემდგომში – „შემსყიდველი“), მეორეს მხრივ, შემდგომში “მხარეებმა” დადეთ წინამდებარე ხელშეკრულება შემდეგზე:

1. ხელშეკრულების საბანი

- 1.1. შემსყიდველის დავალებით მიმწოდებელი იღებს ვალდებულებას გაუწიოს შემსყიდველს -----
--- გათვალისწინებული აუდიტორული მომსახურება, ხოლო შემსყიდველი იღებს ვალდებულებას დროულად მიიღოს და აანაზღაუროს გაწეული მომსახურება.

წინამდებარე ხელშეკრულების პუნქტ 1.1.-ში მითითებული მომსახურება ხორციელდება აუდიტის საერთაშორისო სტანდარტებისა და საქართველოს კანონმდებლობის მოთხოვნების შესაბამისად

2. შესყიდვის ღირებულება

- 2.1 ხელშეკრულების ღირებულება შეადგენს _____
_____ ლარს დღგ-ს ჩათვლით.

3. მხარეთა უფლება-მოვალეობები

- 3.1. მხარეები იღებენ ვალდებულებას უზრუნველყონ წინამდებარე ხელშეკრულების ყველა პირობის შესრულება საქართველოში დადგენილი ნორმატიული აქტების შესაბამისად, ასევე შემდეგი ეთიკური პრინციპების თანახმად: დამოუკიდებლობა, პატიოსნება, ობიექტურობა, პროფესიული კომპეტენტურობა და კეთილსინდისიერება, კონფიდენციალურობა.
- 3.2. მიმწოდებელს არ შეუძლია წინამდებარე ხელშეკრულებით გათვალისწინებული თავისი უფლებები და ვალდებულებები (მთლიანად ან ნაწილობრივ) შემსყიდველთან შეუთანხმებლად გადასცეს მესამე პირებს.
- 3.3. შემსყიდველი წარუდგენს მიმწოდებელს ყველა აუცილებელ დოკუმენტაციას, რომელიც საჭიროა მიმწოდებელის სამუშაოს სრული მოცულობით და დაგეგმილ ვადებში ჩატარებისათვის.

- 3.4. შემსყიდველი ვალდებულებას იღებს უზრუნველყოს აუცილებელი პირობები მიმწოდებლის მუშაობისათვის.
- 3.5. მიმწოდებელს არ ეკისრება პასუხისმგებლობა იმ ინფორმაციის სისწორეზე, სისრულეზე, სიზუსტესა და აქტუალობაზე, რომელსაც შემსყიდველი აწვდის მიმწოდებელს წინამდებარე კონტრაქტის საგნის შესაბამისად მომსახურების გასაწევად.
- 3.6. შემსყიდველი იღებს ვალდებულებას არ მიმართოს რაიმე ქმედებას, რომელმაც შეიძლება ხელი შეუშალოს მიმწოდებლის ჩატარებული აუდიტის შედეგების მიხედვით წარმოადგინოს ობიექტური და მიუკერძოებელი დასკვნა.

4. მიღება-ჩაბარების წესი

მიმწოდებლის მიერ წინამდებარე ხელშეკრულებით განსაზღვრული ვალდებულებების გათვალისწინებით შემსყიდველსა და მიმწოდებელს შორის მომსახურების მიღების შემდეგ გაფორმდება მიღება-ჩაბარების აქტი.

5. მომსახურების ხარისხი და პასუხისმგებლობა

- 5.1. მიმწოდებელი შემსყიდველს აძლევს მომსახურების მაღალი პროფესიონალური ხარისხის გარანტიას და მუშაობის შედეგად მიღებული დასკვნების დასაბუთებულობას და შემსყიდველის მოთხოვნით პასუხს აგებს საკუთარ დასკვნებზე საქართველოს საგადასახადო და სხვა ოფიციალური ორგანოების (ორგანიზაციების) წინაშე.
- 5.2. იმ შემთხვევაში თუ შემსყიდველს რაიმე ზიანი მიაღება, რაც გამოწვეული იქნება მიმწოდებლის მიერ არაკვალიფიციური მომსახურების გამო, იმ შემთხვევების გარდა როცა ზარალი მიყენებულია მიმწოდებლის რეკომენდაციების შემსყიდველის მიერ შეუსრულებლობით, მაშინ მიმწოდებელი იძლევა ზარალის კომპენსაციის ანაზღაურებას საქართველოს კანონმდებლობის შესაბამისად.

6. მომსახურების გაწევის ვადა

- 6.1. წინამდებარე ხელშეკრულებით გათვალისწინებული მომსახურება ხორციელდება 2011 წლის 25 მარტისან 2011 წლის 25 აპრილის ჩათვლით.

7. კონფიდენციალურობა

- 7.1. მიმწოდებელი იღებს ვალდებულებას დაიცვას წინამდებარე ხელშეკრულებით გათვალისწინებული სამუშაოს მიმდინარეობისას შემსყიდველისგან ან სხვა წყაროსგან მიღებული კომერციული, სამუშაო, ფინანსური ინფორმაციის კონფიდენციალურობა, მათ შორის პროფესიონალური ინფორმაციისა, რომელსაც მიმწოდებელი იღებს თავისი სამუშაოსათვის და აკეთებს ქსეროასლს, რათა დაიტოვოს, როგორც დოკუმენტური საფუძველი, რომელიც ადასტურებს მიმწოდებლის ანგარიშში წარმოდგენილ შენიშვნებს. წინამდებარე ხელშეკრულებით გათვალისწინებული გაწეული მომსახურების მიმდინარეობისას შემსყიდველისგან მიმწოდებლის მიერ მიღებული დოკუმენტების დედანი, ექვემდებარება დაბრუნებას მომსახურების დასრულებისას. ნებისმიერი ასეთი ინფორმაცია მხოლოდ შემსყიდველის წერილობითი ნებართვის შესაბამისად გამოქვეყნდება ან სხვა გზით გაცხადდება მესამე პირთა განხილვისათვის, თუ საქართველოს კანონმდებლობით სხვა რამ არ არის განსაზღვრული.
- 7.2. შემსყიდველი იღებს ვალდებულებას დაიცვას კონფიდენციალურობა მიმწოდებლის მიერ გამოყენებულ მეთოდუკასთან, ასევე მათი გამოყენებით მიღებულ შედეგებთან მიმართებაში.

8. შორს - მაშორი

- 8.1. მხარეებს არ ეკისრებათ პასუხისმგებლობა საკუთარი ვალდებულებების შეუსრულებლობისათვის ისეთი გარემოებების შემთხვევაში, რომელთა გათვალისწინება და თავის არიდებაც მათ არ შეეძლოთ, როგორიცაა სტიქიური უბედურება (წყალდიდობა, ხანძარი, მიწისძვრა და ა.შ.), სოციალური კონფლიქტები (საერთო საქვეყნო გაფიცვები, სამოქალაქო ომები და ა.შ.), ასევე საქართველოს ოფიციალური ორგანოების მიერ ნორმატიული და საკანონმდებლო აქტების მიღება, რომლებიც მნიშვნელოვნად ართულებენ, ზღუდავენ ან კრძალავენ წინამდებარე ხელშეკრულებით გათვალისწინებული მომსახურების გაწევას.
- 8.2. მხარეები იღებენ ვალდებულებას დაუყოვნებლივ აცნობონ ერთმანეთს ზემოთ ჩამოთვლილი გარემოებების დადგომის შესახებ. მითითებული გარემოებების დადგომის შემთხვევაში მხარეებს შეუძლიათ შეაჩერონ წინამდებარე ხელშეკრულების მოქმედება ან ვადამდე გააუქმონ წინამდებარე ხელშეკრულება

9. დავის გადაწყვეტა

- 9.1. მხარეები იღებენ ვალდებულებას დროულად მიაწოდონ ერთმანეთს იმ სირთულეების შესახებ ინფორმაცია, რომელიც დაბრკოლებას უქმნის მომსახურების დადგენილ ვადებში გაწევას.
- 9.2. ნებისმიერი დავა და უთანხმოება, რომლებიც შესაძლოა წარმოიშვას წინამდებარე ხელშეკრულების შესრულების მიმდინარეობისას, ექვემდებარება მხარეების უფლებამოსილ წარმომადგენელთა შორის მოლაპარაკების გზით გადაწყვეტას.
- 9.3. დავის მოლაპარაკების გზით გადაწყვეტის შეუძლებლობის შემთხვევაში, ის ექვემდებარება განხილვას საქართველოს კანონმდებლობით დადგენილი წესით.

10. ხელშეკრულების მოქმედება

- 10.1. წინამდებარე ხელშეკრულება შედის ძალაში მხარეების მიერ მისი ხელმოწერის თარიღიდან და მოქმედებს 2011 წლის 31 დეკემბრამდე.
- 10.2. მხარეებს უფლება აქვთ, ორმხრივი შეთანხმებით, გააუქმონ წინამდებარე ხელშეკრულება, თუ მისი შესრულება ცნობილი იქნება არამიზანშეწონილად.
- 10.3. ხელშეკრულების ვადამდე შეწყვეტა ან შეჩერება შემსყიდველს არ ათავისუფლებს მიმწოდებლის მიერ გაწეული მომსახურების და მის მიერ გაწეული ხარჯების ანაზღაურების ვალდებულებისაგან, ფაქტიურად შესრულებული სამუშაოს მოცულობის გათვალისწინებით მოვლენის დადგომის მომენტისათვის, გარდა იმ შემთხვევისა, როდესაც ხელშეკრულების ვადამდე შეწყვეტა ან შეჩერება იქნა გამოწვეული მიმწოდებლის ბრალით, ან თუ სააწინააღმდეგო არ იქნება დადგენილი მხარეთა შესაბამისი შეთანხმების წინამდებარე ხელშეკრულების გაუქმების შესახებ.

11. სხვა პირობები

- 11.1. წინამდებარე კონტრაქტში ყველა შესწორება ან დამატება, ძალაშია მხოლოდ იმ შემთხვევაში, თუ ისინი შესრულებულია წერილობითი ფორმით და ხელმოწერილია უფლებამოსილი პირების მიერ.
- 11.2. ყველა იმ საკითხთან მიმართებაში, რომელსაც არ არეგულირებს წინამდებარე ხელშეკრულება მხარეები ხელმძღვანელობენ საქართველოს კანონმდებლობით.
- 11.3. წინამდებარე ხელშეკრულება შედგენილია ორ ეგზემპლარად, ხელშეკრულების თითოეული ხელმოწერი მხარისათვის, ამასთან ერთად ორივე ეგზემპლარს გააჩნია თანაბარმნიშვნელოვანი იურიდიული ძალა.

12. მხარეთა იურიდიული მისამართები და ანგარიშსწორების ანგარიშები

შემსყიდველი

მიმწოდებელი

შპს „ენგურჰაიმი“

მის.: ქ. თბილისი, ჭავჭავაძის გამზ. №50

საიდენტიფიკაციო კოდი: 251716371

დირექტორთა საბჭოს თავმჯდომარე

_____ ლ. მეზონია

